

本书出版得到国家古籍整理出版专项经费资助

清代吏治史料

线装书局

官员管理史料 四〇

清代吏治史料

綫裝書局



經進講官少保兼太子太保保和殿大學士兼管吏部戶部尚書事加二級臣張廷
玉等謹

題爲欽奉

上諭事該臣議得原署廣東巡撫印務戶部右侍郎傅泰疏稱陽春縣監生梁朝用被劫
獲賊會一葵等一案二叅限滿仍未審解所有二叅不行審結係署陽春縣事試用
知縣王博厚查此案實因黎亞保堅不招承做線夥盜亦無確供藏匿嚴啞八之関
擢宗全無着落種種難結以致二叅限滿不能確審招解相應聲明題叅等因前來
查定例實係重大案件二限必不能完結者於二叅限滿題叅時即將種種難
結緣由疏內聲明承審各員革職留任再限四個月審結等語今此案該署撫既經
聲明難結緣由應將二叅不行審結之署陽春縣事試用知縣王博厚照例革職留
任再限四個月審結恭候

命下臣部遵奉施行臣等未敢擅便謹

題請

旨依議

吏部等部經進講官少保義太子太保保和殿大學士兼管吏部戶部尚書事加二級臣張廷玉等謹

題爲遵

旨彙題事該臣等會議得雍正八年六月分所有官員赴任違限罰俸之案一件承緝不力罰俸之案二件疎縱流犯罰俸之案二件看守疎忽罰俸之案一件監斃人犯罰俸之案五件諱盜不報革之案一案匿犯行賄革去縣丞職銜之案一件共十三件相應開列彙

題俟

命下之日臣部等部遵奉施行臣等未敢擅便謹

題請

旨

計開

一件爲欽奉

上諭事查得甘肅巡撫許容咨稱委用生員張渡係奉

旨令其辦理噶斯軍需酌量委署試用之員部限七十日赴甘今該員繳照計逾限七十

日查軍需用人之際豈容任意逗遛所有該員逾限緣由相應咨恭等因前來

應將赴甘違限七十日之噶斯軍需委用生員張渡照例於補官之日罰俸六

個月

一件爲報明事查得廣西巡撫金鉉咨稱覃傳科迎送公文換班回村被賊盤仁文

等殺死一案八個月限滿究犯未經緝獲將緝克不力原任遷江縣知縣左文

高咨恭等因前來應將緝克不力遷江縣知縣左文高照例住俸勒限一年

緝拿查左文高已改教職用應照離任官例於補官日罰俸一年未獲克犯交

與接任官限年緝拿

一件爲報明事查得福建陞任巡撫劉世明咨稱克壽居頓物在鳳山縣監趙獄脫

逃一案業將疎縱職名查恭茲一年限滿未據獲報將承緝不力鳳山縣典史張

九萬等咨恭等因前來除接緝之署鳳山縣事仙遊縣知縣彭之曇已經別

案革職署鳳山縣事諸羅縣降調知縣劉良璧鳳山縣知縣熊琴俱係再接

緝之員例無處分均無庸議外至典史張九萬初叅革職督緝之案已奉

恩旨開復今二叅限滿應仍照初叅例議處應將鳳山縣典史張九萬照例革職戴罪勒限一年督緝查張九萬未經限滿離任應照離任官例於補官日罰俸一年未獲逃犯交與接任官勒限一年督緝

一件爲稟報事查得刑部咨稱福建陞任巡撫劉世明以山東省流犯劉小珏咨解到閩隨發上抗縣安置據報脫逃將疎縱之北抗縣典史馮國祥等指叅原抄送部議等因前來除上抗縣知縣趙孔起戴世祿俱經別案革職無庸議外應

將疎縱之該管官上抗縣典史馮國祥照例罰俸六個月仍限一年緝拿查嚴愉已改教前署上抗縣事候補知縣嚴愉照例罰俸三個月仍限一年緝拿查嚴愉已改教職用應照離任官例於補官日罰俸一年未獲逃犯交與接任官照案緝拿行查申覆遲延之署上抗縣事丁憂降調知縣張縉照例於補官日罰俸一年

一件爲稟報事查得刑部咨稱山東巡撫蘇藩以沂州安置流犯俞富元江道岳于雍正七年十月十六日夜乘間脫逃一案將疎防署沂州事本州州同唐秉燾等指叅原咨送吏部議等因前來應將該管官沂州吏目王基國照例罰俸六

個月統轄之署沂州事本州同唐秉燾照例罰俸三個月俱限一年緝獲唐秉燾要係署事官又經別案降調應照離任官例於補官日罰俸一年未獲逃犯交與接任官照案緝拿

一件爲奏

聞事會查得刑部咨稱雲南陞任巡撫沈廷正以單犯四十九砍傷同犯何雅圖等復自行剖腹身死一案奉部令將該管文武各官職名查叅等因所有督率看守之經歷張子玉並把總張士彥於未事之先因公他出可否邀免相應咨部等因將原咨送吏部會同兵部議等因前來 應將督率看守之元江府經歷張子玉照例罰俸三個月把總張士彥該撫既稱未事之先因公他出相應免議

一件爲報明事查得刑部咨稱帶理湖廣巡撫印務湖廣總督邁柱以耿弘禮係據絞監候之犯於雍正七年十一月二十九日病故將管獄官漢州縣典史王都爵叅原抄送吏部議等因前來 應將監斃絞犯耿弘禮之管獄官漢川縣典史王都照例罰俸一個月

一件爲稟明事查得刑部咨稱帶理湖廣巡撫印務湖廣總督邁柱以軍犯吳三於

雍正八年正月二十六日在監病故將管獄官漢陽縣典史王啓緒咨衆原咨送吏部議等因前來

俸三個月

應將監斃軍犯吳三之管獄官漢陽縣典史王啓緒照例罰

一件爲報明被盜事查得刑部咨稱署理廣東巡撫印務戶部右侍郎傅恭以番禺

縣民獲式可管守田禾被竊追捕溺死案內陳志萬等在監病故所有監斃之管獄官署番禺縣典史事應步司巡檢金家琦等相應附恭原抄送吏部議等因前來

除署南海縣典史事金利司巡檢沈滋已經別案革職毋庸議番禺縣丁憂知縣馮熾署番禺縣事試用知縣今陞廣州府同知龐嶼俱止承審病故一二名均照例免議外應將監斃管犯陳志萬一名之管獄官署番禺縣典史事鹿步司巡檢金家琦照例於現任內罰俸六個月

一件爲報明監犯病故事查得刑部咨稱湖南巡撫趙弘恩以靠天係附和聚衆案內僉妻發遣外爲民之犯於雍正八年正月二十六日病故將管獄官長沙府司獄吳宗鯉開報原咨送吏部議等因前來

應將監斃靠天之管獄官長沙

府司獄吳宗鯉照例罰俸三個月

一件爲報明事查得刑部咨稱湖南巡撫趙弘恩以瀏陽縣賣減田糧案內胡士拔於雍正八年二月初二日病故將管獄官瀏陽縣典史沈弘勳咨參原咨送吏部議等因前來 應將監繫流犯胡士拔之管獄官瀏陽縣典史沈弘勳照例罰俸三個月

一件爲特揭諱盜等事查得兵部咨稱陝西巡撫武格以山西夏縣民柴君美等於雍正七年十月二十九日在臨潼縣地方被劫一案該縣未經詳報經按察使查出通報批飭勒限嚴緝併取疎防各職名去後今據按察使將疎防之臨潼縣典史林培基等並將典史林培基諱盜職名一併詳揭題恭將原抄移送吏部議等因前來 除臨潼縣知縣陳齊賢失事之先已經別案革職離任毋庸議護西安清軍同知事候補縣丞侯梁俟兵部將武職彙題到日再議外應將諱盜不報之臨潼縣典史林培基照例革職

一件爲保辜子命事查得署直隸總督印務兵部尚書唐執玉咨稱盧龍縣考職監生韓超係遼安縣通詳旗庄鄭麟祥等居屯方跡案內縣差王法言首報匿犯行賄之犯訊據該犯供認不諱擬合咨部將韓超考授縣丞職銜斥革等因前來

應將廬龍縣監生韓超所考縣丞職銜革去
雍正八年九月二十九日題十月初二日奉
旨依議

經筵講官都察院左都御史仍暫署江南江西總督印務加二級臣史貽直謹

題爲特奏貪婪等事竊有溧水縣知縣陳繼祖行事乖張賦性貪暴於轎前僭用提爐令禁卒造備違例刑具臣於該令因公進見之時面加誡飭不啻至再至三詎該令利慾熏心鐵聲日著民怨沸騰該令徵收地漕錢糧於加一耗羨之外每兩多收銀三分總吏張國玉等可訊又存倉糴叁穀一千九百四十一石據報每石易銀三錢共易銀柒百一十八兩一錢七分飭提解貯府庫止解銀七十七兩零餘銀惟以放出賣戶領狀搪塞查買補倉穀應俟秋收之候買補還倉何得預期派令賣戶領銀即無侵虧亦屬病民又該令於前任泰華知縣周大律交代於存庫項下勒索解費銀一百六十兩總吏張國玉可訊又撥存倉穀石每斛斛面加高一指浮收致勒銀八十二兩並不報明買補私收入已經承丁泰運可訊又於交代正項之外勒索雜款銀二十八兩與史馮繼士可訊似此貪婪任倖之員斷難一刻姑容正在繕疏間據蘓州布政使高斌等各揭報前來與臣訪聞無異理合

題恭請

旨革職以便與本內有名證任人等嚴審究擬者也臣謹會

題請

旨雍正八年九月十三日題十月初二日奉

旨這所叅陳繼祖著革職其貪婪各款及本內有名犯證該撫一併嚴審究擬具奏該部知道這本貼黃內錢字訛寫銀字不合著飭行

署理廣東巡撫印務戶部右侍郎駐劄廣州府臣傅泰謹

題為縣官丁憂事該臣看得高州府石城縣調補昌化縣知縣計德元有繼母郭氏于
雍正八年二月十二日在籍病故本官于雍正八年七月十七日在任聞訃例應
丁憂據廣東布政使王士俊詳報前來理合具

題照例回籍守制其所遺石城縣係沿海要缺昌化縣水土最為惡毒地方容臣照例
選員另疏

題請調補臣謹會題請

旨雍正八年八月二十二日題十月初二日奉

旨吏部知道

署理廣東巡撫印務戶部右侍郎駐劄廣州府臣傅泰謹

題爲空批蔽寃事該臣看得人命重情據告即應赴驗通詳批行飭審實則擬抵虛則反坐此定例也臣經屢飭各屬凡有命案務須執法查寃不得隱諱諄諄告誡不啻再四詎有惠州府長寧縣民鍾必和之女鍾亞嬌許配胡成集之子爲妻雍正七年十月十二日必和田麥被易贊育羊隻踏耗亞嬌罵詈贊育之子易何生將妻亞嬌毆傷至十五日斃命贊育覓羅立憲挽留鍾必和私和胡成集知覺稟縣乃前任長寧縣今調補潮州府饒平縣知縣俞蕩匿不通報以致胡成集赴按察司具控先據署理廣東按察司黃文煒詳委龍門縣長寧縣會同檢審去後茲據署理廣東按察使黃文煒會同廣東布政使王士俊詳稱據署長寧縣事委署試用李紹膺會同龍門縣知縣蕭基詳稱檢驗已死鍾亞嬌頂心偏左偏右額角腦有傷訊據鍾必和等供係易贊育之子易何生打傷致死等情由署惠州府事以道府補用知府張渠詳揭到司揭報請恭前未臣查縣令一官與民最親必須痛癢相關慎重人命方稱無忝職守今俞荔於前任長寧縣將命案隱匿不報似此玩視人命之員難以姑容相應

特疏

題恭以微不職至俞荔經臣傳泰郝玉麟會疏保

題調補饒平縣知縣今諱命不職臣等不敢以先經保

題調補之員瞻徇姑容貽誤地方併請將臣傳泰郝玉麟一併

敕部議處以為濫行保

題者戒臣謹會題請

旨雍正八年八月二十二日題十月初二日奉

旨俞荔著嚴加議處具奏傳泰郝玉麟既經查出恭奏從寬免其交議該部知道

總理糧儲提督軍務巡撫江寧等處地方都察院右僉都御史協理河工事務加二級臣尹繼善謹

題為報明病故事該臣看得署婁縣事試用官唐佛樂患病不痊於雍正八年八月二十三日在署身故據布政使高斌詳報前來相應

題明臣謹會題請

旨雍正八年九月十二日題十月初二日奉

旨吏部知道